



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis

Antehac Ex Probatis Auctoribus breviter concinnata

Busenbaum, Hermann

Coloniae Agrippinae, 1713

Q. 217. Cui confiteri debeant aut possint Regulares itinerantes.

urn:nbn:de:hbz:466:1-42624

Parochi, nam singuli Parochiani sunt subditi Ordinario tanquam Pastori universali omnium, etiam ipsorummet Parochorum.

Q. 217. Cui confiteri debeant aut possint Regulares itinerantes. R. §. 1. Regularis, saltem Societatis JESU, confiteri debet socio suo Sacerdoti ejusdem Ordinis, non autem externo aut alterius Ordinis, imò nec ejusdem Ordinis fortè in via occurrenti. Quòd si non adsit Confessarius ejusdem Ordinis, potest confiteri cuivis, etiam non Regulari. Putantque *Suar. Tamb. Sporer* n. 685. *Burgh.* cent. 2. casu 8. contra *Vasq.* etiam non approbato ab Episcopo, quia Prælati censetur id permittere, si sit consuetudo vel necessitas confitendi aut communicandi de via; nec requiritur, ut Confessarius Regularum sit ab Episcopo approbatus, saltem exceptis Monialibus, sed secundum dicta n. 1487. satis est esse designatum à Superiore.

§. 2. Religiosus Societatis JESU divertens ad aliquam domum sui Ordinis tenetur confiteri aut socio viæ, aut uni ex ordinariis Confessariorum illius domus, *Gob. tr.* 7. n. 646. Quid facere debeat, si casum reservatum habeat, dicitur n. 1679. Quoad alios Religiosos, quisque debet se conformare suis Statutis vel consuetudini.

§. 3. Si Moniales absint à suis Monasteriis, etiam scient, quid sibi liceat per Statuta vel consuetudinem: quòd si nesciatur de Statuto vel consuetudine, putat *Platelius* permitti, ut cuivis confiteantur: Melius tamen est interrogare, an facultatem habeant, & si affirmant, credi potest.

§. 4. Dubium est, an Moniales cum

degentes extra Monasterium, & à Superioribus suis habentes potestatem confitendi cuicumque, possint confiteri non approbato specialiter pro Monialibus: & videtur, quòd sic; quia quamvis Greg. XV. in Constit. *Inferutabili*, quam refert Synodus Colon. anni 1662. pag. 173. dicat, *Confessores verò sive Regulares sive Sæculares quomodocumque exempti, tam ordinarii quam extraordinarii ad Confessiones monialium etiam Regularibus subjectarum audiendas nullatenus deputari valeant, nisi prius ab Episcopo Diocesano idonei judicentur, & approbationem, quæ gratis concedatur, obtineant*; tamen videtur intelligere de illis solis Confessariis, qui vel sunt ordinarii in Monasteriis, vel extraordinariè mittuntur pro audiendis Monialibus, secundùm dicenda n. 1534. adeoque intelligit de Monialibus in Monasteriis degentibus, supponit enim juxta alias Bullas Apostolicas, quòd Moniales semper sint intra clausuram. Et etiam id solùm videtur velle Clemens X. relatus n. 1505. , nam paulò antè dicit se *Prædecessorum Constitutiones & Declarationes in unum collectas.... munire & roborare*, ergo etiam ipse intelligit tantùm Confessarios ordinarios vel extraordinariè deputandos pro audiendis intra claustra Monialibus. quales non sunt, qui audiunt peregrinas, ergo de his non loquuntur Pontifices; & consequenter cùm à jure antiquo recedendum non sit, nisi quatenus novo fuerit expressum, l. *Præcipimus. §. 6. Cod. De appellat.* ejusmodi Sacerdotes possunt, uti antè, absolvere Moniales per accidens ad se venientes, quamvis non sint ad eas specialiter approbati. *Confirm.* nam saltem per episcopiam id dicendum est in Germania, in qua Monialibus

bus sæpè conceditur longo tempore abesse & morari in locis, ubi nulli aut rarissimi sunt tales specialiter approbati, credibile autem non est Papam velle illas tanto tempore carere Sacramentis Pœnitentiæ & Eucharistiæ.

Q. 218. *Quid præterea notandum sit circa approbationem & confessorium pro Monialibus.* R. seqq. §. 1. Ad audiendas sive ordinariè sive extraordinariè Moniales, etiam exemptas à jurisdictione Episcopi, requiritur approbatio Episcopi, secundum dicta n. 1527. sic enim habet Constitutio Greg. XV. Hanc tamen Constitutionem, quoad punctum illud approbationis pro Monialibus exemptis, non esse receptam pro Regnis Hispano subjectis, sed ab Urbano VIII. suspensam, testatur *Lexana* tom. 1. Summæ c. 19. n. 35. ideoque *Platelius* p. 5. n. 895. & *Loth. tr.* 23. q. 5. dicunt non obligare pro Belgio, in quo secundum *Trid. sess.* 23. c. 15. De Reform. solummodo ad audiendas Confessiones sæcularium non autem Regularium requiritur approbatio Episcopi. Constitutio autem Clementis X. relata à n. 1502. non videtur ponere novum jus, sed tantum roborare & declarare Constitutiones priorum Pontificum, uti habent verba n. 1503. relata. An autem Constitutiones illæ quoad hoc punctum alibi ubique receptæ sint & obligent, dubitatur; negant aliqui, quia Episcopi non videntur urgere, sed connivent, uti in multis aliis per tales Constitutiones statutis, v.g. ut Regulares in templis suis non concionentur, nisi acceptâ benedictione ab Episcopo, in alienis autem non nisi cum licentia, uti verba habent nu. 1504. relata. E contra, quod sufficienter his locis receptæ sint